

奩

史

舊史卷七十八

東吳王初桐于陽簪述

滁州金兆燕棕亭校刊

飲食門一

飲食

有娥氏有二佚女飲食必以鼓

呂氏春秋

后嬌逸體微病輒不自飲食須帝持七箸藥有苦口

者非帝爲含吐不下咽

飛燕外傳

楊姬死忽起飲食醉坐祭牀上

桓譚新論

王武子家婢千百餘人皆綾羅袴裙手擎飲食

叙小志

邳元義妻事姑甚謹姑憎之節其飲食

太平御覽

方回讀書于嵩山石室中有玉女進以飲食

記事珠

博野有一婦人一生不飲食而育男女數人

池北偶談

更始韓夫人嗜酒每侍飲見常侍奏事輒怒曰帝方

對我飲正用此時持事來乎起抵破書案

後漢書

沈文榮爲吳興太守飲酒至五斗妻王錫女飲亦至

五斗文榮與對飲竟日而視事不廢

誠齋雜記

蔡順母飲酒吐嘔恐母中毒嘗母吐驗之

孝子傳

真臘國恥飲酒私房與妻共飲避尊者之見

朝鮮野食載

李三娘量洪善飲飲至百觥不醉

板橋雜記

廣主嘗與幸姬李嬙妃酣酌綠蕉林

清異錄

金陵名妓小芙蓉迎欸陶其才酌于芭蕉亭

几上語

正月半後士女每爲探春之宴

開元天寶遺事

洛陽人有妓樂者三月三日結錢爲龍作錢龍宴四圍撒真珠厚盈數寸以斑螺命妓女酌之仍各具數得雙者爲吉妓乃作雙珠宴以勞主人

妝樓記

宮中飲宴不常名色亦異碧桃盛開舉盃相賞名曰愛嬌之宴紅梅初發擣尊對飲名曰澆紅之宴海棠謂之煖妝瑞香謂之撥寒牡丹謂之惜香至于落花之飲名爲戀春催花之設名爲奪秀其或繪樓幔閣

清暑回陽則隨其所事而名之 元氏掖庭記

燕帖木兒收晉邸后爲妻諸公主嫁之者四十餘人有某公主嫁及門三日不得見既而傳旨曰公主且歸我要時來取每設宴男女共座名曰鴛鴦筵席偶座中有一婦甚麗太師目之問曰此爲誰意欲留之左右告曰此太師幾夫人某氏也 庚申外史

有掌兵官遠戍其妻宴客竟夕笙歌杜善甫賦詩云  
高燒銀燭照雲鬟沸耳笙歌徹夜開不念征西人萬  
里玉關霜重鐵衣寒 山書隱筆

張司令宴楊鐵崖以妓名芙蓉者侍酒酒名金盤露

鐵崖題云芙蓉掌上金盤露妓卽應聲曰楊柳頭邊  
鐵笛風蓋楊又號鐵笛道人也

女世說

宋太祖過趙普家普妻行酒帝以嫂呼之

邵氏聞見錄

陶宗儀飲夏氏清樾堂折正開荷花置小金卮于其中命歌妓捧以行酒客就姬手中分開花瓣以口就飲名爲解語盃

穀耕錄

張獻忠破荊州召樂戶行酒內有瓊枝者色藝出羣獻忠命之歌曰我雖賤豈肯以歌侑賊觴獻忠鬱之同時有曼仙者刻意逢迎寵倖無比獻忠每夜將寢必豪飲曼仙侍是夕曼仙置毒于酒滿斟以奉獻忠

妮之挽其頸曰汝先飲此却之不得立飲而斃獻忠  
始覺碎磔其屍

雪履齋筆記

帝于宮中嘗爲拆字令取左右離合之意時杳娘在  
側曰杳字爲十八日杳娘解羅字爲四維帝顧蕭妃  
曰爾拆朕字乎妃曰移左畫居右豈非淵字乎時人  
望多歸唐公帝聞之不懌

大業拾遺記

薛濤有姿色尤工詩翰高駢鎮蜀嘗開宴改一字令  
曰口有似沒量斗濤曰川有似三條椽千里曰奈何  
一條曲濤曰相公尙使沒量斗窮酒佐三條椽有一  
條曲又何足怪

洪度集附錄

文定公嘗會飲倡爲酒令各誦詩一句以月字在下  
而四分時令畢文定指席中侍妓曰汝輩有能者乎  
一妓遽成小詞捧琵琶歌曰到春來梨花院落溶溶  
月到夏來舞低楊柳樓心月到秋來金鈴犬吠梧桐  
月到冬來清香暗度梅梢月呀好也月總不如俺尋  
常一樣牕前月

詩話類編

歌姬施碧蓉丰姿秀逸畧識字而善諧謔一夕同人  
劇飲姬斟酒意取花名而寓禽蟲者客舉鳳仙金雀  
之類都無語而劇賞王豹采之蝴蝶花及余舉杜鵑  
獨坐罰彼蓋不知杜鵑是禽名耳夜半姬出素筵請



詩豹采詩曰掃眉才子最天斜錄事誰容航政誰帝  
殺杜鵑渾不聽獨憐蝴蝶是名花

學山瑣錄

辛丑中秋置酒高會女士黃蘭叢馮靜容皆來轟飲  
如雷飲至天明靜容大吐髻鬟委地衣履狼籍蘭叢  
賈其餘勇尙能豁拳盡三四大斗

板橋雜記

徐妃性嗜酒多洪醉帝還房必吐衣中

南史

明皇登沉香亭召妃子于時卯醉未醒侍兒扶掖而  
至妃子醉歆殘妝釵橫鬢亂不能再拜帝笑曰豈妃  
子醉耶是海棠睡未足耳

太真外傳

光風亭夜宴妓有醉毆者段成式詩曰悴胡雲粉落

痕面月痕消

唐詩紀事

醉女人宜謹節令除章程

醉鄉日月

醉佳人宜微醺

醉鄉律令

官本雜劇段數有三姐醉還醒

武林舊事

雜劇有醉娘子

較耕錄

宋高宗妃劉夫人有太真醉挹花露圖

式古堂書畫考

成都官妓趙才卿性黠慧都鈴帥命之作詞才卿應

命立就都鈴大賞其才以飲器數百星遺之

林下詞

皇太子納妃有漆酒臺二金塗銀鈿

東宮舊事

王敬伯見女子命婢取酒婢持一銀酒鎗至

續齊諧記

宋徽宗臨張萱宮騎圖其侍從有挈金橐駝者蓋唐  
制宮人用金酌貯酒

天祿識餘

劉綱未仙時姮娥降其家留一明月杯

神仙傳

六朝貴家閨宴以玉交杯合七香湯

香監

金母召羣仙宴于赤水命謝長珠鼓拂雲之琴舞驚  
波之曲坐有碧金鸚鵡杯白玉鸕鷀杓杯乾則杓自  
挹欲飲則杯自舉

謝氏詩源

明皇與太真妃在沉香亭賞木芍藥以李白所進清  
平調詞促李龜年歌之太真妃持頗梨七寶杯酌西  
涼蒲萄酒笑領歌意

披異記

唐新繁縣令妻亡喚女工製服有一婦甚麗留而寵  
之後數月言本夫將至涕泣固辭去留銀杯爲別縣  
令亦贈羅十疋然心恒念婦持銀杯不釋出卽置案  
上適去任一縣尉來迎妻柩因謁令見案上銀杯識  
爲亡妻棺中物問令令具言始末尉怒甚亟啓柩視  
失其杯惟婦抱羅而卧

女世說補

宣和間上元張燈許士女入內縱觀各賜酒一盃有  
一婦人納盃于袖爲衛士所報押至御前帝問故答  
曰妾觀燈至此偶爾失羣蒙天子賜酒面暈酒色恐  
不與夫同歸爲公姑嗔責欲假是盃歸家爲證耳因

進鷓鴣天詞一首帝疑其預撰命以金盃爲題念奴  
嬌爲調復口占一詞帝喜甚遂以金盃賜之令衛士  
送歸

女世說

潘妃執玉荷杯唱萬年歡

胡銓玉音問答

關關贈余本明青華酒杯酌酒輒有異香在內或桂  
或梅或蘭視之宛然取之若影酒乾不見

具率齋筆記

安南進皇后方物狀有金勸杯一副

天南行記

明寧國大長公主所用一瓷杯酌酒滿則隱起一龍  
形鱗鬣俱備酒盡不復見

香祖筆記

金章宗宮人擘橙爲軟金杯章宗詞云纖纖白玉葱

分破黃金彈借得洞庭春飛上桃花面

含元齋別編

白樸有詠紅梅橙子皮酒杯詞紅梅姬妾名

天籟集

文宗以酣飲爲娛嬪御別造黃金盞以全遵荷菱菱  
爲玦束盤其寔中空盞滿則可潛引入盤中人初不  
知也遂有神明盞了事盤之號

快雪堂漫錄

張庾居長安月下聞履聲見數青衣擁門而入引少  
女七八人容色華麗庾走避堂中諸女於藤架下陳  
設牀榻杯杓又執樂者十人執拍板者二人左右侍  
立者十人坐上一人曰不告主人而張樂可乎命一  
青衣傳語曰姊妹步月偶入貴院庾閉門叩之不應

于是坐上一人命奏絲竹音曲清亮頃之盡還庾潛  
取瓊以衣繫之及明解視乃一白角瓊奇不可名院  
中香氣數日不絕

續平怪錄

皇后謁家廟後散付親屬宅眷物件內有金盆盞銀  
盆盞

武林舊事

皇太后皇太妃御盞局有御盞郎君

遼史

安南國進皇后方物狀有花犀盞盛用金堞一口楞  
金沉香盞連蓋底一口楞金犀盞一口

天南行記

大食窑盞子以銅作身用藥燒成五色最宜婦人閨

閣中用

格古要論

宋徽宗宮詞十花金盞勸仙娥

趙飛燕爲皇后其女弟在昭陽殿上襪三十五條內

有香螺卮

西京雜記

隋煬帝造玉女行觴曲

樂志

湯夫人除夕飲歲酒婢碎一甌絕不介意

湖堦雜記

皇太子納妃有漆卮爵二銀鐶蓮長七尺

東宮舊事

謝太后有玉花尊一隻

雲煙過眼錄

皇太子納妃有漆注八合鴨頭勺四

東宮舊事

號國夫人就屋梁上懸鹿腸于半空筵宴使人從屋

上注酒于腸中結其端欲飲則解開注于盃中號洞



天聖酒將軍又曰洞天飪

酒中

吳王夫差女悅童子韓重結氣死形見將重入冢取

崑崙玉壺與之

搜神記

伍員奔吳過溧陽瀨溪見女擊漂於水中旁有壺漿

乃就乞飲飲畢謂女子曰掩夫人壺口女子知其意

自投瀨溪而死

琴操

康熙癸丑王太微妻喪獨眠見二女子綽約可愛大

小如姊妹大女逡巡登牀求與合歡王懼不敢比曉

方去自後無夜不來手一壺可二寸許如時製匙箸

餅之類凡衾裯及動用之物皆採取其中未嘗困匱

架上書籍悉能展誦一夕小女持扎至大女細讀沉  
吟曰事未辦奈何明日須汝自行次夕小女卽不來  
其字如蝌蚪王不能識也程正夫記其事其友多作  
詩寄之女子有答諸公見寄詩云一去西南數百秋  
幾回風雨變中州山河如故人民異此夕因君憶舊  
遊後云余先世乃管仲之女嫁與鮑伯子讓五百年  
而爲管幼安之妹與幼安躬耕於野又五百年爲管  
夫人則趙子昂之妻也今又將五百年矣撫新感舊  
嘆息不置敢布腹心奉酬雅愛幸少秘之勿被世人  
傳作風流話柄也

曠園雜志

有老母袖中出一瓢令李筌取水筌攜往澗中其瓢忽重百餘斤力不能舉便沉

黃帝陰符經後序

安南國進皇后方物狀有金瓢一口

天南行記

金靖天民有西子放瓢圖詩

歷代題畫詩類

魏孝武帝有瑪瑙榼容三斗玉縫之西域鬼作奇寶

也後元韶娶后奇寶隨后入韶家

春風堂隨筆

濟北神女車上有壺榼青白琉璃五具

列異傳

王敬伯夜見一女命婢取酒提一綠沉漆榼

續齊諧記

有董氏女病邪多不食時索酒飲復作胡旋舞醫治

不差云常有一女子來伴如夢寐中家人後于櫥間

得一勸酒女子疑其作祟焚之女遂愈

志怪錄

慶一娘回定之儀有勸酒孩兒一合藉用紫紗

長安客話

崑崙有三足神鳥爲西王母取食

括地圖

延娟延娛與周昭王同沒江漢之人思之上已結五

色紗囊盛食沈水中

拾遺記

霍皇后五日一朝太后于長樂宮親奉案上食

漢書

宜州崔氏婢名妙女年十四夕汲庭中忽見一僧以

錫杖擊之昏迷數日及瘥不復食既而說初昏迷時

有人引至一處宮殿甚嚴其中天仙多是妙女之族

言本是題頭賴吒天王小女爲泄天門間事謫墮人

世前所見僧擊之者欲女吐瀉臟中俗氣乃得昇天  
天上居處奴婢與人間不殊所使奴名羣角婢名金  
霄鳳樓自後妙女每言天仙來卽香氣滿室諸仙悉  
憑妙女而言談諧戲謔如平人其家常令妙女繡忽  
言今要暫去請婢鳳樓代繡如此竟日便作鳳樓姿  
容繡作巧妙疾倍常時而不與人言語時時俛首笑  
久之言却迴卽復本態無復鳳樓狀矣有時言向西  
方飲去迴遂吐酒一匁言將娘子一魂小娘子一魂  
遊看去是夕娘子等並夢同向一處與衆人遊樂妙  
女明日問娘子夢中事一一皆同如是月餘忽一日

告娘子曰阿母喚某歸某戀娘子不忍去既在人間

還須飲食遂漸飲食

顯飛熊妙女傳

宮中有娠賜與食十合

武林舊事

有宦而川遊者過險道女自輿墮崖下崖深莫測以爲必死痛哭而去後任滿還過其地將爲招魂之奠忽見一女飛至乃其女也父母齊抱之女曰兒在此甚樂不願歸也強之歸問何以得生曰食樹子久而身輕能飛自火食後還其故步矣

拙菴雜俎

沈約六憶詩憶食時臨盤動容色欲坐復羞坐欲食復羞食含哺如不飢擊甌似無力

沈隱侯集 女紅餘志沈約六憶詩

爲姚夢蘭作

皇太子納妃有漆食厨一具

東宮舊事

王母自設天厨豐珍上果芳華百味紫芝萎蕤芬芳  
填標清香之酒非地上所有香氣殊絕上元夫人設  
厨精珍與王母所設相似

漢武帝內傳

郭代公愛姬薛氏貯食物以散風奩

品物類聚記

張江陵奉母入京上賜甜食盒二副仁聖太后慈聖  
太后皆賜江陵母食盒八副

弁山堂別集

皇太子納妃有漆食架二

東宮舊事

劉太后族人御食必易以釗器曰尙方器勿使入於

我家也 宋史

孟光舉案齊眉俗直謂几案耳呂光衛語林小隸案  
乃古盃字謂舉盃與眉齊耳張平子詩何以報之青  
玉案謂青玉盃耳 鞏豐耳目後志

后始加大號婕妤上二十六物以賀使侍兒郭語璫  
拜上內有沉水香蓮心椀一面 飛燕外集

秦嘉婦與嘉書曰今奉金錯盃一枚可以盛書水瑠  
璃盃一枚可以服藥酒 太平御覽

鈕洎母與從祖虞光祿書曰賜琉璃盃 羣書拾唾

皇太子納妃有漆盃子一百枚 東宮舊事



貴妃嘗遺祿山玉合金平脫鐵面梳

太真外傳

盈盈家奴婢皆用黃金飾襍盃

女紅餘志

有公主過景公寺八角井見百姓方汲令從婢以銀

稜梳就井取水誤墜梳經月餘出于渭河

西陽雜俎

淳熙九年太上以璽金嵌寶注梳杯杵等賜小劉貴

妃乾祐起居注

崔寧女造梳

物原

太子納妃有丹羅長命綺絹裏梳囊一紫綦文綺絹

裏梳囊一

東京舊事

楊收女適裴坦長子嫁資豐厚坦不樂一日夫人至

新婦院視菓櫟乃卧魚犀遽拂袖出

北夢瑣言

安南國進皇后方物狀有金蓮葉櫟金瓜樣櫟楞金

犀櫟

天南行記

后始加大號姪好賀物有文犀辟毒箸二雙

飛燕外傳

韓康伯母殷氏聞吳隱之哭聲輒爲之投筋

晉書

安南進皇后方物狀有金筋金穿肉

天南行記

孫晟每食不設几案使衆妓各執一器環立而侍號

肉臺盤

南唐書

臺史卷七十八

舊史卷七十九

東吳王初桐于陽

纂述

上海曹錫寶劔亭校刊

飲食門二

飲

帝女儀狄造酒

本草衍義

周穆王時神女持酒來酌之

瑞應圖

西王母與周穆王玉帳高會薦清澄膏以爲酒

拾遺記

魯定公母服五加酒以致不死尸解而去

酒經

漢高祖爲布衣時常從王媪武負貰酒

酒譜

漢宮中九月九日佩茱萸飲菊花酒令人長壽菊花酒宮人採菊雜黍米釀之

西京雜記

西王母仙藥有玉酒瓊瑤酒

酒譜

西王母降武帝設蒲萄酒以待之

漢武帝內傳

安期生與神女會圓邱酣炙碧之酒

列仙傳

嵩岳夫人賜田嬰鄧韶延壽酒

嵩岳嫁女記

仙母裴氏餘杭人善採百花釀酒王方平以千錢與

姥求沽酒得五升

神仙傳

南嶽夫人貺王子喬瓊蘇綠酒

南嶽夫人傳

蘭香降張碩資瓦榼酒七榼

杜蘭香別傳

瑯琊呂母釀醇酒少年來沽者輒賒與之

言鮪

李正封牡丹詩國色朝酣酒天香夜染衣明皇笑謂  
楊貴妃曰汝粧鏡臺前飲一紫金盞酒則正封之詩  
可見矣

松牕雜錄

肅宗張皇后專權每進酒常真鵝腦酒鵝腦酒令人

久醉健忘

酉陽雜俎

女仙曉暈能釀遊仙酒飲之而卧夢遇王母飛瓊之  
屬採芝爲車驅龍爲馬徧歷蓬萊赤水

予虛子仙志

同昌公主下降廣化里上每賜御饌湯物道路之使

相屬其酒有疑露漿桂花醋

杜陽雜編

陸蒙妻蔣氏善屬文而耽酒後染邪氣姊妹憂之勸  
節飲強食應聲吟曰平生偏好酒勞爾勸吾食但得  
尊中滿時光過不難

聞奇錄

僧知業有詩名偶訪陸蒙談予蒙妻蔣氏命婢以卮  
酒與僧僧謝不飲蔣隔簾對曰祇如上人詩云接壘  
橋通何處路倚樓人是阿誰家觀此風韻得不飲乎  
業慙退

女世說

洛陽人家七夕乞巧婦女造明星酒

金門歲節記

南人有女數歲卽大釀酒至將嫁乃發酒以供賓客  
謂之女酒其味絕美

南方草木狀

投荒錄同

景宗后李氏嗜酒剛復景宗寵而憚之

閩書

陶穀得吳婢使釀酒因促其功答曰尙未熟但浮梁耳試取一盞至則浮蛆酒脂也

清異錄

宋太祖微時經黃陂渴求飲黃婆進酒且曰酒禁甚嚴此私釀幸密之與金不受

楚政畧

呂伯恭之祖姑封清源君有句云前身當是陶淵明愛酒不入遠公社

詩女史

宋張虛白南遊有崔婆飲以醇酒

常德府志

宣和間自十二月于酸棗門點照仕女觀者中貴邀住勸酒一金盃直至上元謂之預賞

東京夢華錄



宮中有娠賜無灰酒醺醪沈香酒 武林舊事

延洪壽光西王母酒名儀德宋惠恭后酒名玉腴宋

劉后酒名瑤池宋謝后酒名瓊綠宋朱后酒名坤儀

寧德后酒名坤珍淵聖后酒名 酒小史

向太后酒名天醇朱太妃酒名瓊酥曹太后酒名瀛

玉 天下名酒記

試鶯家多美釀而不善飲時爲宋遷索取恒曰此豈

爲某設哉祇當索與郎耳因名酒曰索郎 柳娘記

皇淑妃李氏性不愛酒上爲造引口醪每宴飲特設

以供妃 柳宮舊事

太祖時有妃嗜燒酒十年病腹痛死今言

永樂八年賜寧國長公主酒五百瓶弇山堂別集

楊某守汝寧夜半巡行村舍聞老嫗呼其女取酒飲

既而曰初一盃則楊太守再一盃爲劉知縣矣楊不

喻其旨詰旦名至庭問焉女答曰初盃則清謂如太

守第二盃則濁如知縣也續酒經

仙母墩傳有仙姥居此採花醞酒杭州府志

閩有麻姑酒閩小紀

崖州婦人以安石榴花著釜中經旬成酒花史

真臘美人酒美人口中含而造之一宿卽成八紘釋史

琉璃美姬含米造酒名曰米奇

外國竹枝詞注

臺搖獐之婦採樹葉裹糯米少許納口細嚼吐于水

盤與客飲之面頰發紅謂之頃刻酒

觥觥

番女皆嗜酒

稗海紀遊

馬湘蘭詩酒是消愁物能消幾箇時

姚旅露書

華山有明星玉女持玉漿服之即成仙

詩含神霧

盛姬病求飲天子命取漿而給是曰壺觴

盛姬錄

西王母上藥有玉津金漿其次有五雲之漿

漢武故事

許媪釀白漿相貽儲醅待給其意不厭

梅花草堂筆談

燕昭王飲旋姐提嫫以瑤珉之膏

拾遺記

謝長裾時進瓊卿以膏露一合飲至百餘合顏色美

好文辭長進涉獵羣書罔弗記憶

鞠堂野史

西王母仙藥有太孖之酪

漢武故事

望蠻婦人惟嗜乳酪多肥白

蠻書

趙溫其有烹酪仕女圖

宣和畫譜

阿王母上藥有中華紫蜜雲山朱蜜

漢武故事

董姬釀花爲露經年顏色不變香艷異常最驕者爲

秋海棠露酒後出以解醒

影梅菴憶語

右司命君遊於長樂之鄉天女灌以平露金香八會

之湯

道教靈驗記

嘉平二十五日叔良宿醒未解窈窕烹百和解醒湯  
進之隨飲而醒後遂依法作湯名窈窕湯

欽小志

朱晦菴訪壻蔡沈其女出葱湯麥飯留之

紫陽先生年譜

婦人白帶苦草煎湯服

乾坤秘韞

吳清妻楊氏號監真君頭痛自春及夏靜坐忽不見

四月十七日見楊氏坐屋上稱先日有同行伴煎茶

湯相待汴州姓呂名德真姓張名仙真益州姓馬名

辨真宋州姓王名信真及還有女冠賦詩相別

逸史

同昌公主下降廣化里上每賜御饌湯物其茶有綠

華紫英之號

杜陽雜編

文宗延學士于內庭令宮女侍茶酒飲饌

切野僉載

宮人剪金龍鳳貼茶上波詩賜茗時時開小鳳

王府

鮑君徵字文姬德宗妃有東亭茶讌詩

石倉十二代詩選

蜀王建多疑惟徐妃二姊妹侍茶湯

詩史

劉太后命製入香京挺茶以賜大臣

宋史

黃秦晁張皆子瞻門下士號四學士每來子瞻必命

侍妾朝雲取密雲龍

郡齋讀書記

密雲龍茶名東坡令朝雲藏之

詞品

李文正夫人不飲誕日宋宣獻以茶爲壽

後山談叢

山子茶坊內有仙洞仙橋仕女於此喫茶

東京夢華錄

辰沅靖州蠻飲酒以鼻醉則男女聚而踏歌歌曰小  
娘子葉底花無事出來吃瓊茶

老學菴筆記

子仙姑得道不食李逸老見之問曰欲獻茶一盃可  
乎姑曰不食茶久矣今勉強一啜既食少頃垂兩手  
出玉雪如也須臾所食之茶從十指甲出凝于地色  
猶未變香氣如故

懶真子錄

潘璋妾有仙術璋思建溪新茶妾卽拈塊土寘掌內  
揉碎嚙呵付外張細淪之真奇品也

夷堅志

蔡松年詞銀屏小語私分麝月春心一點麝月茶名  
麝言香月言剛也

詞賦

吳昌時卧內有司茶青鬟五人皆絕色女子也茶卮

皆羊脂玉琢成受以烏金盤從日本來

霜後集

董姬嗜茶尤嗜片芥恒手自炊滌

影梅庵憶語

杏花村竹林中老嫗善煮茶吳小仙春遊老嫗輒以  
茶飲之

柳南隨筆

趙子昂有管夫人烹茶圖

書影

左思嬌女詩心爲茶葍劇吹噓對鼎鑪

茶經

白傳詩茶教纖手侍兒烹

欽小志

陸遊浣花女詩地爐豆蔻煎土茶

劍南詩藁

官妓周氏能詩有一瓶春水自煎茶之句

夷堅志



酒肆女詩侍女亦知心內事銀屏汲水煮新茶

孤樹裏談

許姝宮詞絳羅袂裏建溪茶

朝鮮采風錄

蜀姬作茶粥賣

傅咸司隸教

慶一娘回定之儀茶花三十枚藉用紅纈

長安客話

晉元帝時有老姥每旦獨提一器茗往市鬻之市人競買自旦至夕其器不減所得錢散給路旁孤貧乞人人或異之州法曹繫之獄中至夜老姥執所鬻茗器從獄牖中飛出

廣陵耆舊傳

陳務妻好飲茶茗宅中有古塚每飲輒祀之後遂夜夢一人云蒙卿享吾佳茗豈忘報哉及曉于庭中獲

錢十萬似久理者但貫新耳

異苑

明方策偕友讀書斗山寺偶步山麓忽見重門洞開  
視其額有蟾宮吸月亭字遂入有一女子以茗飲之  
方謂如此清異之處當與友共遊置茗于几急出呼  
友至已迷矣

漢中府志

趙松雪有宮人啜茗圖

漁洋詩話

鮑昭妹令暉著香茗賦

茶經

呂文靖夫人欲驗其子使小鬟擎寶器貯茶而往教  
令至門故跌而碎之

語林

昇在重慶取青蠟石爲茶磨令宮人以武隆雪錦茶

碾之

雲蕉館紀談

鶯鶯寄張生數物內有文竹茶碾子一枚

會真記

蜀相崔寧之女以茶盃無襯病其髮指取櫟子承之

既歿而盃傾乃以蠟環之央其盃遂定即命匠以漆

環代蠟寧奇之製名茶托子

資暇錄

王珪宮詞撮角茶牀金釘校

王岐公宮詞

吳願山婢名供春始製宜興茶壺

敬業堂詩餘注  
朱笠亭陶說朱文

藻跋作洪春陳迦陵高江村宜壺歌作龔春姜西溟  
作宮春

姜詩妻事姑至孝姑好飲江水妻常鷄鳴泝流而汲

舍側忽有湧泉味如江水

華陽國志

隗相母喜飲江水非中流之水則不嘗

南人物志

滄州有婦人一生不食但日飲水數盃

睽車志

大同一婦分娩後不食不言癡坐井上汲水飲之三日不下百桶而鯨吸不已

湖海搜奇

榆次縣一貧婦善事姑凡姑飲食非河水不食而河去其家四五里每晨婦必往汲供之無間寒暑如是者數年後一日取水歸半途爲塵沙所污復往汲有一老人問之婦以告老人嘆曰孝哉婦也吾有一皮鞭可置缸底提起一二寸水卽至婦試之果然姑疑婦之不汲而得水也潛偵其狀缸底有鞭取而棄之

時婦方櫛沐水忽湧至婦坐缸上不止竟溺水死邑人立廟祀之稱爲水母娘娘

邇言

裕妃張娘娘有娠客氏矯旨將宮人逐外封閉妃于宮牆內絕去水火無所飲食經數日值天大雨妃匍匐於簷雷次伏陷雨水數口而絕

酌中志畧

沈俊生妻李氏十六歲忽患奇症病愈卽絕粒不食十九歲歸于沈終日惟飲熱水一二盃

述異記

婦人無子立春日夫婦各飲雨水一盃還房有孕

法天

生意 醫學正傳同

舊史卷八十

東吳王初桐子陽暮述

長洲宋思仁雲亭校刊

飲食門三

食

孟母曰婦人之事精五飯而已

漢上叢談

宋玉主人女爲王炊雕胡飯

茹草紀事

明德皇后處椒房太官上飯餽膳備副輒徹去

東觀漢記

蘇卷婦得能食病日進三斛飯猶爲不飽

異苑

衛士度母齋空中下一鉢香飯食之七日不飢

異苑

顧翽母好食彫胡飯 西京雜記

陳遵母好食鑊底焦飯 宋躬孝子傳

目連以鉢盛飯餉其亡母飯忽化爲火炭 孟蘭盆經

宋武帝節儉過人張妃惟桃花米飯 梁祖思政事疏

盧眉娘在宮中每日但食胡麻飯二三合 杜陽雜編

昔有婆子供養菴主常令二八女子送飯 五燈會元

嶺南俗婦產三日洗兒作團油飯 北戶錄

東坡作麥飯雜小紅豆妻笑曰此新樣二紅飯 食經

苗婦以荷葉包飯澗水澆而食之 滇行紀程

王文明妻病其女爲母作粥忽變爲血母尋亡 法苑珠林

徐孝克母病思粳米粥不能得

陳書

張成夜見一婦人曰我蠶神也明日正月半宜作白膏粥祭我當令君蠶桑百倍如言作粥祭之大得蠶今世人正月半作膏糜像此

續齊諧記

李搔妹幼出家爲尼後遭時儉施糜粥于路

後魏書

楊誠齋夫人羅氏每寒月黎明卽起作粥一釜遍享奴婢然後服役

鶴林玉露

朱良吉母錢氏病將死良吉剖胃取心肉一臠煮粥飲母而愈

五朝名臣言行錄

王復齋有妾困于妬妻王出妻幽閉妾樓上餓且死



妻之子甫八齡給母曰餓死人謂不賢不如日食以  
粥湯一盂令其徐徐自斃可緩謗也母從之乃陰以  
小布袋藏麪食魚肉進粥時食之得不死

耳談

唐鄭僂爲江淮留後家人備夫人晨饌夫人顧其第  
曰治妝未畢我未及餐爾且可點心其弟舉甌已罄  
俄而女僕請飯庫鑰匙備夫人點心僂詬曰適已給  
了何得又請

能改齋漫錄

武后令宮女採百花和米搗碎蒸糕以賜從臣

花史

宮中有娠賜物有糕

武林舊事

九日作花糕父母家必迎女來食花糕或不得迎女

則怨詫小妹則泣望其姊曰女兒節帝京景物畧

第五倫爲市掾有人遺其母一筭餅知從外來奪之母遂探口餅出之東觀漢記

庫狄連妻冬至日爲連設豆餅連怒北齊書

僖宗幸蜀乏食有官人出方巾所包甍半斤許會村人送酒一偏提用酒漉麪燂餅以進嬪嬙泣奉曰此消災餅乞強進半枚清異錄

周世宗有故宮婢流落能作蓮花餅餡有十五隔者每隔有一折枝蓮花作十五色婢言宮中人號葢押

班食譜

慈聖光祿后出餅角子以賜考試進士出七寶茶以

賜考試官

甲申雜記

昔夫婦二人有三幅餅各食一餅餘一幅在共作要言若有語者不與餅須臾賊入其家盜取財物殆盡夫婦二人皆眼看不語恐失餅也

百喻經

舊京烹飪擅名者如曹婆婆肉餅聲稱于時

楓窗小牘

宮中有娠賜糖餅炊餅髓餅

武林舊事

魏忠賢謀鴆帝周后乃從母家取蒸餅以進

霜猿集

翩翩取山葉呼作餅卽成真餅

聊齋志異

魯敬姜始作不托

物原

五代史李茂貞傳朕與宮人一日食粥一日食不托

不托當作餽餽字

倚覺寮雜綴

海忠介有五歲女方啖餌忠介問餌從誰與女答曰  
僮某忠介怒曰女子豈容漫受僮餌非吾女也能卽  
餓死方稱我女女卽涕泣不飲啖家人百計進食卒  
拒之七日而死

書影

宮中有娠賜棗浮圓兒

武林舊事

宮中端午節造粉圓角黍貯于金盤中以小角弓子

架箭射盤中粉圓中者得食

時令集解

永嘉項氏有怪曰太公凡有所求呼太公則物隨至

項妻有孕思齋餽頭食呼太公一聲卽捧一甌蒸餛  
頭來蒸氣尚暖

異聞總錄

宮中誕慶製包子均分

宮詞注

張谷山嫂除夕製餛飩祀先

池北偶談

七夕宮中食巧果小宮姬對銀河拜

北京歲華記

明德馬后含飴弄孫

後漢書

熙寧中上元宣仁太后御樓觀燈召外族悉集樓前

大者各與絹一疋小者各與乳糖獅子二箇

漫笑錄

澗泉

日記高齋漫錄並云神宗嘆后德不可及

洛陽人有妓樂者三月三日各令作飴綬帶以一丸

餉舒之可長三尺者賞金菱角不能者罰酒

雪履齋筆記

糴屈原姊所作

異苑

吳興米炊之甑香白馬豆食之齒醉號國夫人厨吏

鄧連以此米搗爲透花餠以豆洗皮作靈河臙以供

翠鴛堂

品物類聚記

皇后歸謁家廟次日內降旨賜皇后物有細密煎十

楪

武林舊事

董姬取五月桃汁以文火煎至六七分始攪糖細煉

爲膏如大紅琥珀

影梅庵憶語

正月婢子輩炒糯米以下俗名孖北人號爲糯米

花范石湖集

洋川者漢戚夫人所生處也夫人思慕本鄉追求洋

川米高帝爲驛長安水經注

朱百年妻孔氏有高行百年卒會稽太守餉米百斛

孔氏遣婢詣郡辭之語林

洪武二十一年賜納哈出妻米五百石實資考

公主歲米一千五百石親王女歲米一千石郡王女

縣主歲米五百石弇山堂別集

章帝賜妊者胎教穀三斛後漢書

焦花女事姑至孝姑病值冬月思新麥燂食之焦慟

哭求之河濱忽得生麥穗焦取歸供姑

萊州府志

同昌公主出降賜金麥銀米共數斛皆太宗朝條支

國所獻

杜陽雜編

燕昭王飴旋媚提嫫以甘泉之粟

拾遺記

魏哀王賜曲大夫之妻粟三十鍾

列女傳

華佗妻疾太祖賜小豆四十斛

魏志

宮中有娠賜物有豌豆一斗黑豆一斗

武林舊事

七月七日女子吞赤豆二七顆竟年無病

韋氏月錄

書作正月七日

雜五行

魏夫人服胡麻散成仙

魏夫人碑



禹母吞薏苡而生禹  
宛委餘編

後漢卷八十

菴史卷八十一

東吳王初桐于陽簪述

蘭陵孫星衍淵如校刊

飲食門四

餽

建康小吏曹著見廬山夫人夫人爲設酒下七子合

盤盤中餽鏤刻奇飾異形非人所名

祖台之志怪

麻姑降蔡經家召進行厨皆金盤玉盃餽膳多是花

果而香氣達于內外

葛洪神仙傳

盛架閣妻肩臂奇癢乃滋味過盛所致

明史

左思嬌女詩并心注肴饌端坐理盤榻

玉臺新詠

楚莊王夫人樊姬不食禽獸之肉王感而廢畋

列女傳

高帝奉養甚厚后每撤去兼肉

齊書

馬燧犯罪逃匿敗室中忽有女人曰胡二姊來餉以熟肉一甌胡餅數枚燧食甚飽後燧爲顯官徧訪胡

二姊不得

博異志

郭思謨母嘗憶羊肉忽有慈烏銜肉至

柳南隨筆

石崇崔亮母疾日賜清酒粳米猪羊肉

太康起居注

天后好食冷脩羊腸

清異錄

謝皇后性儉減膳羊

宋史

宮中有嬪賜蒸羊翦花生羊八節羊各一口

武林舊事

山羊肉利產婦

日用本草

永樂十三年賜寧國長公主臘羊二十隻臘猪二十

隻計四隻

弇山堂別集

梁傳昭子婦嘗得家餉牛肉以進

程史

有張氏家人夢至牛王宮見其先姨母云我以生前

嗜牛今令我日食芒飯一升

春渚紀聞

歌妓順時秀姓郭氏性資聰敏色藝超絕王元鼎眷之偶有疾思得馬版腸充饌公殺所騎千金五花馬取腸以供

輟耕錄

李嬌兒王德名妻也姿容姝麗意度閒雅時人號爲小天然丞相眷之遇公燕則遣以馬腰截

青樓集

閩中某夫人喜食貓云勝雞雛十倍後夫人病危呦呦作貓聲數十餘日乃死

潯陽銷夏錄

李賀大堤曲郎食鯉魚尾妾食猩猩唇

昌谷集

火肉久者無油有松柏之味風魚久者如火肉醉蛤如桃花醉鱗骨如白玉油蛸如鱗魚蝦鬆如龍鬚烘兔酥雉如餅餌可以籠食董姬細考食譜而又以慧巧變化爲之莫不異妙

影梅菴憶語

市處者婢妾膾炙而食

魯述子

王祥後母朱氏病思黃雀炙乃有黃雀自至

孝子傳

唐宗以九龍食舉裝逍遙炙賜金僊玉真公主

清異錄

天女宴右司命君以瓊鳳羊脯

道教靈驗記

麻姑降蔡經家擗麟脯行酒

神仙傳

同昌公主下降廣化里上每賜御饌湯物其饌有靈  
消炙紅虬脯靈消炙一羊之肉取之四兩雖經暑毒  
終不見敗紅虬脯非虬也但貯于盤中則健如虬紅  
絲高一尺以筯抑之無數分

杜陽雜編

皇后歸謁家廟次日賜皇后物有脯腊十牒

武林舊事

邵母夢神人令以玉筯食羹遂生康節

康節外紀

有僦馬生之妻得虎毛紅筦筆一枝所須但阿筆卽得之時方盛行凝煙帳風篁扇皆阿而得之一日晚思兔頭羹連阿遠得數盤

纂異記

吳文定公少時於一富家爲館師其家有女方笄窺見公心悅焉朝夕輒以肉羹遣親婢通意于公公卽以他故解館去

玉堂叢語

宋少卿侍姬卧房中見一女子衣乾紅衫捧一盃羹與之細視乃其所產之血不數日而卒

夷堅志

樂羊子妻勤養姑嘗有他舍鷄入垣內姑盜殺之妻不食而泣姑乃棄之

後漢書

有婦事姑至孝一日殺鷄爲饌姑食鷄而死姑女訴于官婦坐罪臨刑折石榴花一枝插地而祝曰妾若毒姑花卽枯若枉可使復生其後花果生

漢陽府志

妊婦宜食牡鷄肉

本草蒙筌

新產婦以黑雌鷄一隻治淨和五味炒香投二升酒

中封一宿飲令人肥白

食療本草

方回得一小婢曰半婢曲意奉之每出必以荷葉包殺核袖于衣中而歸遺之一日遇客于途正拆開荷包墜地視之乃半鴨耳

癸辛雜識

郭元振落梅妝閣有婢數十人客至則施鴛鴦纈裙



衫一曲終則賞以糖鷄卵明其聲也冥罷散九和握

香

叙聞錄

官中有娠賜雞子五千箇金漆箱兒全

武林舊事

齊孝宣陳皇后性嗜筍鴨卵永明九年詔太廟祭后

薦筍鴨卵

筍譜

巴郡杜孝母喜食生魚孝在成都截大竹筒盛魚二頭塞之以草祝曰我母必得此因投中流婦出汲見筒橫來觸岸異而取視有二魚笑曰必我壻所寄熟而進之

徐廣孝子傳

王祥母盛寒欲生魚祥卧冰求之雙魚躍出

師覺孝子傳

王延母卜氏冬月思生魚延扣凌而哭得一魚長五

尺躍出冰上延取以進母

前趙錄

貞觀中有陳氏婦居朝京門一日買魚忽有白衣人  
謂曰魚不可食可擲水中急上山頂避之陳如其言  
回望所居陷爲池矣

桂故

禹城縣崔氏女孝母卧病隆冬思食魚女曰王祥卧  
冰得魚豈女子獨不能耶乃往河中卧冰凡十日果  
得十魚鱗鬣稍異食母而愈人問女曰若卧冰如何  
女曰以身試冰殊不寒也

女世說

北墅手述曰卧冰三日

尾古今說海曰宋政和年間事

臨江王妃江無畏好食鯽魚頭日進鯽魚三百

宛委餘編

查道母病思食鯽魚方冬無有市者道泣禱河神得

魚尺許以饋

樂善錄

秦會之夫人常入禁中顯仁太后言近日子魚大者  
絕少夫人對曰妾家有之當以百尾進歸告會之咎  
其失言乃進青魚百尾顯仁撫掌笑曰我道這婆子

村果然

語林

王世貞宏治宮詞五月鱗魚白似銀傳餐須及後官

人

弇州四部藁

至和間皇后好食糟淮白魚呂文靖夫人欲獻十脔

公曰兩奩可耳夫人曰以備玉食何惜也公曰玉食  
所無之物人臣之家安得有十奩也

聞見前錄

永樂十三年賜寧國長公主海魚二千觔

弇山堂別集

昔溫氏媼于水許得一卵置器中忽有一物如守宮  
穿卵而出能入水捕魚媼一日治魚誤斷其尾遂去  
始知其爲龍也

晉太康志

吳王有女滕王王食蒸魚半而與女女怒曰王辱我  
乃自殺

吳越春秋

閭閻女嬌恣嘗與父爭食魚炙憤恚而死

風土記

姜詩妻事姑孝姑嗜魚膾妻常力作供膾其舍側忽

有泉常出鯉魚一雙

益部耆舊傳

周子有女噉膾不知足家爲之貧一日見厭者挫魚作鮓以錢一千求一飽食五斛便大吐有鱸鯪從口中出婢以魚置口中卽成水女遂不復噉膾

齊諧記

燕王慕容熙小符后豔而寵每季夏思凍魚膾仲冬思生地黃皆下有司切責之

三十國春秋

會稽有女子姓吳字望子年十六姿容絕麗爲蔣侯神所愛望子心有所欲輒空中下之嘗思噉膾一雙鮮鯉應心而至

蔣子文傳

余媚娘能饌五色膾妙不可及

天中記

洛陽人家七夕乞巧婦女裝同心贈 玉燭寶典

樂頤之母常膳魚羹 齊書

南遷烹煮擅名若湖上魚羹宋五嫂之類皆當行不

數者宋五嫂余家蒼頭嫂也 楓憲小牘

宋五嫂魚羹嘗經御賞人所共趨遂成富媼 武林舊事

御舟入裡河有賣魚美人宋五嫂對御自稱東京人

氏隨駕到此上念其年老賜金錢十文銀錢一百文

絹十疋 乾淳起居注

孟宗爲監魚池司馬取魚作鮓寄母母還之 晉書

永樂十三年賜寧國長公主醃魚子四罈 弁山堂別集

有主母命婢殺鼈婢放之池主母杖之後婢患熱病死以池中污泥堆婢心口復生

詠菴偶筆

張太夫人喜食鼈臙一日得巨鼈剖之有小人長三四寸突出繞鼈走而死太夫人取視之帽黃色褶藍色帶紅色鞞黑色面目手足皆具

藻陽銷夏錄

沙助教之母嗜食蟹及死設饌有十歲孫見媼遍體流血

夷堅志

貴州苗婦入山迷不得歸接食水中螃蟹充飢不覺遍體生毛變形如野人與虎交合

刺錄

徐婦嗜蟹一日早起見數百蟹鬼大驚得病卒

後蟹錄

客氏喜食鱗剝鱗肉疊成蝴蝶之形

續蟹錄

宮人喫鱗或剔蟹胸骨如蝴蝶者以示巧

酌中志

山陰東郭氏女先與縣人私通後此人賈還泊舟盤  
慈橋女往入船就之因共寢爲設食食蟹畢女將兩  
鱗登上游去船還至郭人言此女已死乃往省之尙  
未殯也發衾視之兩手各把一鱗登祖台之志怪

卓文君一生不食蟚蛄

成都舊事

陶侃作魚吏遺母蚶鮓母以封鮓付使反書責曰汝  
爲吏以官物見餉乃增我憂也

陶侃別傳

永樂十三年賜寧國長公主醬蚶子二罈醃蠔肉二



蟬蛤蚶醬四 蟬醃蛭四 蟬泥螺四 蟬水母絲二 蟬對  
蝦一 簍蝦米二 簍

弇山堂別集

食之異

張訓妻故劍俠也每食必待其夫一日訓歸妻已先  
食謂訓曰今日以食味異常不待君先食矣訓入厨  
發甌見蒸人頭一具

劍俠傳

亦見吳錄

吳江婦人病狂走入郡城遍覓死尸食之將取腸胃  
臭味不可近渠白云絕美好看饌不逮也

二酉委譚

昔有女忽嗜河中污泥口食數盤玉田隱者以壁間  
敗土調水飲之遂愈

本草綱目

有蕭媼者見曇陽子餐柏枝笑曰是不食耶何必柏  
枝食耶何必不柏枝曇陽子遽棄之

曇陽子傳

秦史卷八十一